

丹陽縣續志卷之二十三

地方自治

光緒三十二年朝廷頒布九年籌備立憲之詔明諭人

民練習自治事宜此為地方自治所由始摘錄諭旨

一日上諭朕欽奉慈禧皇太后懿旨憲政編查館資  
政院王大臣奕劻溥倫等會奏進呈議院選舉各綱  
要暨逐年籌備事宜一摺現值國勢積弱事變紛乘  
非朝野同心不足以圖存立非紀綱整肅不足以保  
治安非官民交勉互相匡正不足以促進步而收實  
效該王大臣等所擬憲法暨議院選舉各綱要條理  
詳密權限分明將來編纂憲法暨議院選舉各法即  
以此作為準則其憲法未頒議院未開以前靜候朝  
廷次第籌辦如期施行至單開籌備事宜必須認真  
次第推行所有人民應行練習自治教育各事宜在  
外由各督撫督飭各屬隨時催辦勿任玩延云云  
三十四年八月奉蘇省諮

丹陽縣續志

卷之三十三

地方自治

議局籌備處文設立丹陽選舉調查事務所事務所

武公祠正所長何恩煌副所長趙瑞豫周桂榮初辦初選

宣統元年八月江蘇諮議局成立邑人馬良趙瑞豫姜

光輔林懿均當選為江蘇諮議局議員二年五月趙

瑞豫故王承毅補摘錄諭旨光緒三十三年九月

后懿旨前於京師設立資政院以樹議院基礎各省  
亦應有採取輿論之所俾指陳通省利病籌計地方  
治安着各督撫在省會速設諮議局慎選公正明達  
官紳勦辦其事即由各屬合格紳民各舉賢能作為  
該局議員凡地方因革事宜議員公同集議候本省  
大吏裁奪施行遇有重大事件由該省督撫奏明辦  
理資政院應需考查詢問等事一面行文督撫轉飭  
一面通行該局具覆該局有條議事件一面稟知督  
撫一面通稟資政院查核其各府州縣議事會一併  
預為籌畫云云三十四年六月二十四日奉上諭

朕欽奉慈禧皇太后懿旨憲政編查館資政院王大臣奕劻溥倫等會奏擬呈各省諮議局及議員選舉各章程一摺諮議局為議院基礎事體重大亟宜詳慎釐定茲據該王大臣擬呈各項章程尙屬周妥均照所議辦理著各督撫自奉到章程之日起限一年內一律辦齊將來使國民與聞政事因先於各省設諮議局以資歷練凡我士庶均當共體時艱同摠忠愛至於選舉議員斷不准使心術不正行止有虧之人託足其內云云

二年七月設立城廂市地方自治公所借白雲街文昌宮設議事會臨時建築平房三間廂房二間設董事會推選林訓典為議事會議長姜鴻冕副之議員二十八人何恩煌為董事會總董王承輝為董事名譽董事四人三年奉文解散改組林恩佩為議事會議長丹陽縣續志

卷之三十三

地方自治

二

林兆昺副之董事會總董為董繼昌董事為束秉勳議員及董事額仍舊

三年七月至九月市鄉地方自治公所以次成立計市四曰壽安曰太平曰高牧曰尙德鄉二曰永和曰永豐照章組織議事會董事會公所則各就該地寺廟為之所有正副議長壽安市為曹彤觀毛起鳳太平市為潘鍾靈張鶴鳴高牧市為楊景雲蔡廷杰尙德市為王用錫徐則霖永和鄉為賀紹章陳葆生永豐鄉為康濟王錫純總董及董事壽安市為馬廣輝殷相兩太平市為林作賓睦國霖高牧市為酈繩祖盛

鳴世尙德市爲東丹桂朱寶楨永和鄉爲吳耀南陳  
作梅永豐鄉爲張文斗陳柏天此外石城市永濟市  
仁信市練塘鄉桂仙鄉未能完全成立

交通

郵政

郵務局光緒二十七年八月於縣治東四牌樓租賃民房開辦三十四年九月移雙井巷

電政

電報局光緒三十二年七月於縣治東太平橋租賃民房開辦

鐵路

境內滬甯鐵路於光緒三十三年九月通車東自呂城起北至黃泥壩止計長四十七里總車站在縣北城

丹陽縣續志

卷之三十三

交通

四

外二里陳家橋又有分站三其在縣北者為黃泥壩

今名新豐站

其在縣東者為陵口為呂城

輪船

內河輪船之經由境內者初始自光緒三十年有招商戴生昌大東三益各公司或由蘇州達於鎮江或由本邑達於溧陽皆為外商所經辦

實業

阜陽實業有限公司光緒三十三年邑人董繼昌等招集股本洋三千元購買北門外至火車站田地開辦馬路專營挑駁貨物輸送行旅兩事

惠西合資墾牧公司宣統元年邑人董繼昌張文蔚等領墾北門外起至張官渡止河岸並左近官荒一百二十六畝招集股本洋三千元呈請立案開辦成熟繳價給證升糧

通益種植畜牧有限公司宣統三年邑人張晉升江瑞甫等領墾東門外河坂官荒五十二畝八分二釐招

丹陽縣續志

卷之三十三

實業

五

集股本洋一千元呈請立案開辦成熟繳價給證升糧

商會

光緒三十二年九月成立會所在縣治東白雲街衣業公所內第一屆總理姜瑞麟第二屆三屆總理董繼昌第四屆五屆總理東秉勳第六屆總理何汝翼另有業董若干人議員若干人各業有註冊費有通常費爲數多寡不一

丹陽縣續志卷之二十三終